

গণপ্রজাতন্ত্রী বাংলাদেশ সরকার  
অর্থ মন্ত্রণালয়, অর্থ বিভাগ  
www.mof.gov.bd  
বাজেট অনুবিভাগ-১, শাখা-১

নং- ০৭.১০১.০১৮.০০.০০.০০৩.২০১৭-১৯২

তারিখঃ ২৩ চৈত্র ১৪২৩  
০৬ এপ্রিল ২০১৭

পরিপত্র

বিষয়ঃ “৬৩০০-অবসর ভাতা ও আনুতোষিক” খাতের বরাদ্দ সংশ্লিষ্ট মন্ত্রণালয়/বিভাগের পরিবর্তে অর্থ বিভাগের বাজেটে প্রদর্শন ও হিসাবায়ন।

বিভিন্ন মন্ত্রণালয়, বিভাগ এবং এর অধীনস্থ দপ্তরসমূহের অবসর ভাতা ও আনুতোষিকসহ সংশ্লিষ্ট ভাতা (উৎসব ভাতা, মহার্ঘ ভাতা, বাংলা নববর্ষ ভাতা, চিকিৎসা সুবিধা ইত্যাদি) বর্তমানে স্ব স্ব মন্ত্রণালয়ের বিপরীতে বরাদ্দ ও হিসাবায়ন করা হচ্ছে। সরকারি পেনশন পদ্ধতি সংস্কারের অংশ হিসেবে চলমান ২০১৬-১৭ অর্থবছরের সংশোধিত বাজেট হতে এ ব্যবস্থায় পরিবর্তন আনা হয়েছে, যার আওতায় “৬৩০০-অবসর ভাতা ও আনুতোষিক” সংশ্লিষ্ট সকল বরাদ্দ স্ব স্ব মন্ত্রণালয়ের বাজেটের পরিবর্তে অর্থ বিভাগের বাজেটে স্থানান্তর করা হয়েছে। তবে, প্রতিরক্ষা মন্ত্রণালয়ের অধীন প্রতিরক্ষা বাহিনীসমূহ, রেলপথ মন্ত্রণালয়ের অধীন বাংলাদেশ রেলওয়ে এবং ডাক ও টেলিযোগাযোগ বিভাগের অধীন বাংলাদেশ ডাক বিভাগের কর্মচারীগণের অবসর ভাতা ও আনুতোষিক খাতে বরাদ্দ পূর্বের ন্যায় সংশ্লিষ্ট মন্ত্রণালয়ের আওতায় আলাদাভাবে দেয়া হয়েছে।

২। পরিবর্তিত এ ব্যবস্থা শুধুমাত্র পেনশনের বাজেট এবং এ বাজেটের বিপরীতে হিসাবায়নের ক্ষেত্রে পরিবর্তন আনবে। অবসরোত্তর ছুটিকালীন বেতন ও অন্যান্য ভাতা, লাম্প গ্রান্ট ইত্যাদি পূর্বের ন্যায় স্ব স্ব মন্ত্রণালয় ও দপ্তরের বেতন-ভাতা খাতের বরাদ্দ হতে নির্বাহ করা হবে। একিভাবে পেনশনের প্রশাসনিক মঞ্জুরি সংক্রান্ত সকল দায়িত্ব স্ব স্ব প্রশাসনিক মন্ত্রণালয় ও এর অধীনস্থ দপ্তরসমূহ পূর্বের ন্যায় সম্পাদন করবে।

৩। হিসাবরক্ষণ অফিসসমূহ হতে ‘৬৩০০-অবসর ভাতা ও আনুতোষিক’ সংশ্লিষ্ট কোডসমূহের বিল/দাবীর ব্যয় নির্বাহের ক্ষেত্রে এখন থেকে বিভিন্ন মন্ত্রণালয়/বিভাগের পরিবর্তে অর্থ বিভাগের ১৩ ডিজিটের কোড নিম্নরূপভাবে ব্যবহার করে করতে হবেঃ

কোড লেভেল	কোড নম্বর	মন্তব্য
১-সাংবিধানিক কোড	৩	সংযুক্ত তহবিল অনুন্নয়ন-অন্যান্য ব্যয়
২-প্রাতিষ্ঠানিক কোড	০৯২১	অর্থ বিভাগ-অবসর ভাতা ব্যবস্থাপনা
৩-পরিচালন কোড	০০XX	প্রথম দুই ডিজিট শূন্য ও পরের দুই ডিজিট মন্ত্রণালয়/বিভাগ কোড (যেমন খাদ্য মন্ত্রণালয় বা খাদ্য অধিদপ্তরের কর্মচারির ক্ষেত্রে ০০৪৮)
৪-অর্থনৈতিক কোড	XXXX	সংশ্লিষ্ট অর্থনৈতিক কোড (যেমন আনুতোষিকের জন্য ৬৩১১, অবসর ভাতা বা পারিবারিক অবসর ভাতার জন্য ৬৩০১ ইত্যাদি)

০৪। জনস্বার্থে জারীকৃত এ আদেশ অবিলম্বে কার্যকর হবে।

স্বাক্ষরিত/-  
(মোহাম্মদ মুসলিম চৌধুরী)  
অতিরিক্ত সচিব  
৯৫১১০৫০

বিতরণ (জ্যেষ্ঠতার ক্রমানুসারে নয়):

১. মন্ত্রিপরিষদ সচিব, মন্ত্রিপরিষদ বিভাগ, বাংলাদেশ সচিবালয়, ঢাকা।
২. মুখ্য সচিব, প্রধানমন্ত্রীর কার্যালয়, তেজগাঁও, ঢাকা।

